


Whakaotia ētahi whakamātautau kia kite ai koe mēnā e koutata ana te tohanga taumaha o tō tākīrirangi.

Whakamātautau tuatahi: Te pū ā-papatipu

Ko te pū ā-papatipu te wāhi i tō tākīrirangi e tōpū ai te katoa o te papatipu, ā, ka taurite te taumaha o tō tākīrirangi i ngā taha e rua.

Koinei te ara e ine ai koe i te pū ā-papatipu:



Ngohe 1

Herea tētahi aho ki waenganui o tō ipu tākīrirangi e pōaha ana.

Ngohe 2

Tukua kia iri i te aho.

Ngohe 3

Nekehia te aho ki te taha mauī me te taha mātau kia huapae mai rā anō te takoto o tō tākīrirangi, pēnei i te whakaahua.

Ngohe 4

Whaitohua te wāhi nei i tō tākīrirangi, ko te pū papatipu tēnei.

Ngohe 5


Hopukia ō kitenga.

He tīwhiri! E tōtika ai te rere o tō tākīrirangi, me tata ake te pū ā-papatipu ki te ihu o te tākīrirangi. Me pēhea e tutuki ai tēnei?

Whakamātautau tuarua: Te pū ā-pēhanga

Ko te pū pēhanga te wāhi i tō tākirirangi e tōpū katoa mai ai ngā tōpana rerenga katoa.

Koinei te ara e ine ai koe i te pū ā-pēhanga:



Ngohe 1

Tāia te hua o tō tākirirangi ipu i tētahi kāri, ka tapatapahi ai. Me rite pū te rahi ki te rahi tonu o tō tākirirangi.

Ngohe 2

Kimihia te wāhi e taurite ai te takoto o te tākirirangi i te tapa o tētahi rūri (me takoto tāpapa te tākirirangi).

Ngohe 3

Tohua te wāhi i tō tākirirangi kei reira te pū ā-pēhanga.

Ngohe 4

Hopukia ō kitenga.

He tīwhiri! E pūmau ai tō tākirirangi, me tata ake te pū ā-pēhanga ki te hiku o te tākirirangi. Me pēhea e tutuki ai tēnei?

Me roa ake te wā?

Tirohia te pūmau o tō tākirirangi mā te here i tētahi aho ki te pū o tōna papatipu. Kimihia tētahi wāhi wātea, ā, kia āta piu koe i te tākirirangi huri āwhio i a koe, ko te ihu koeko ki waho.

Me e pūmau ana te tākirirangi, ka noho tonu te ihu koeko ki mua.

Ki te rere whakamuri, ki te turupeke rānei, whakaarohia ake me pēhea koe e panoni ai i te pū o tōna papatipu, i te pū hoki o tōna pēhanga.

